

Քաղաքացիական Ծառայության Պաշտոնի Անձնագիր

27-33.3-Մ3-6 Ավագ մասնագետ(2026-01-21)

1. Բնօրինակ դրույթներ

1.1 Պաշտոնի Անվանում, Ծածկագիր

Ներքին գործերի նախարարություն | Աղետների և արտակարգ այլ իրավիճակների կառավարման վարչություն | Հետադետային վերականգնման կառավարման բաժին | Ավագ մասնագետ, (27-33.3-Մ3-6)

1.2 Ենթակա և հաշվետու է

Ավագ մասնագետն անմիջական ենթակա և հաշվետու է Բաժնի պետին:

1.3 Փոխարինող պաշտոնի կամ պաշտոնների անվանումները

Ավագ մասնագետի բացակայության դեպքում նրան փոխարինում է Բաժնի գլխավոր մասնագետը կամ Բաժնի մյուս ավագ մասնագետը:

1.4 Աշխատավայր

Հայաստանի Հանրապետություն, ք. Երևան, Դավթաշեն վարչական շրջան, Դավթաշեն 4-րդ թաղ., Ա. Միկոյան 109/8:

2. Պաշտոնի բնութագիր

2.1 Աշխատանքի բնույթը (գործառնություններ), Իրավունքները, Պարտականությունները

- մասնակցում է հետադետային վերականգնման ոլորտում Նախարարության քաղաքականության իրականացման համակարգման աշխատանքներին.
- իրականացնում է հետադետային վերականգնման ոլորտին առնչվող տեղեկատվության ամփոփման և վերլուծման աշխատանքներ, անհրաժեշտության դեպքում՝ կատարում ուսումնասիրություններ.
- իրականացնում է հետադետային վերականգնման ոլորտի զարգացման հիմնախնդիրներով առաջարկությունների ներկայացման աշխատանքներ.
- իրականացնում է հետադետային վերականգնման ոլորտին առնչվող միջազգային ծրագրերով նախատեսված միջոցառումների մշակում.
- մասնակցում է հետադետային վերականգնման գործընթացներին ուղղված կարգեր, պլաններ, ուղեցույցներ, մեթոդական ձեռնարկներ և այլ փաստաթղթերի նախագծեր.
- մասնակցում է հետադետային վերականգնման ոլորտի միջազգային ծրագրերով նախատեսված աշխատանքներին, համատեղ իրականացվող ծրագրերին, օտարերկրյա պետությունների և միջազգային կազմակերպությունների ներկայացուցիչների հետ հանդիպումներին, խորհրդակցություններին, քննարկումներին, սեմինարներին, այլ միջոցառումներին.
- մասնակցում է տեխնիկական անվտանգության պահանջներ սահմանող տեխնիկական կանոնակարգեր.
- մասնակցում է տեխնիկական անվտանգության ապահովման հետ կապված ՀՀ կառավարություն առաջարկություններ ներկայացնելու աշխատանքներին.
- մասնակցում է տեխնիկական անվտանգության ապահովման ոլորտում իրավական ակտերի նախագծերի մշակման աշխատանքներին:

Իրավունքները.

- ստանալ համապատասխան նյութեր հետադետային վերականգնման ոլորտին առնչվող միջազգային փորձի ուսումնասիրությունների, հետազոտությունների վերաբերյալ.
- ստանալ համապատասխան նյութեր, հուշագրեր, համաձայնագրեր և այլ փաստաթղթեր՝ հետադետային վերականգնման ոլորտին առնչվող միջազգային ծրագրերով նախատեսված միջոցառումների մշակման աշխատանքների նպատակով.
- ստանալ կարծիքներ, առաջարկություններ, հաշվետվություններ համատեղ իրականացվող ծրագրերի, օտարերկրյա պետությունների և միջազգային կազմակերպությունների ներկայացուցիչների հետ հանդիպումների, խորհրդակցությունների, քննարկումների, սեմինարների ընթացքում քննարկվող խնդիրների վերաբերյալ.
- ընդգրկվել հետադետային վերականգնման ոլորտի միջազգային ծրագրերով նախատեսված աշխատանքներին, համատեղ իրականացվող ծրագրերին, օտարերկրյա պետությունների և միջազգային կազմակերպությունների ներկայացուցիչների հետ հանդիպումներին, խորհրդակցություններին, քննարկումներին, սեմինարներին և այլ միջոցառումներին.
- հավաքագրել շահագրգիռ մարմիններից Նախարարության կառուցվածքային ստորաբաժանումներից համապատասխան նյութեր, մասնագիտական կարծիքներ, վերլուծել միջազգային փորձի ուսումնասիրությունները տեխնիկական անվտանգության պահանջներ սահմանող տեխնիկական կանոնակարգերի մշակման նպատակով.
- հավաքագրել նյութեր, կարծիքներ՝ տեխնիկական անվտանգության ապահովման հետ կապված առաջարկություններ մշակելու և ՀՀ կառավարություն ներկայացնելու նպատակով:

Պարտականությունները.

- պատրաստել համապատասխան նյութեր, փաստաթղթեր հետադետային վերականգնման ոլորտում Նախարարության քաղաքականության իրականացման, ոլորտի զարգացման, կատարելագործման և բարելավման գործընթացների իրագործման նպատակով.
- հավաքագրել և ներկայացնել առաջարկություններ հետադետային վերականգնման ոլորտի վերաբերյալ.
- հավաքագրել և պատրաստել համապատասխան փաստաթղթեր, նյութեր (պլան-ծրագրեր, վարչականների վերաբերյալ ուղեցույցներ և այլն) հետադետային վերականգնման ոլորտում Նախարարության քաղաքականության իրականացման նպատակով.
- ուսումնասիրել և պատրաստել հետադետային վերականգնման ոլորտին առնչվող տեղեկատվություն և անհրաժեշտության դեպքում՝ ընդգրկվել ոլորտային անալիտիկ հետազոտությունների և ուսումնասիրությունների իրագործման աշխատանքներին.
- ուսումնասիրել և պատրաստել անալիտիկ վերլուծության արդյունքում հետադետային վերականգնման գործընթացների իրագործմանն ուղղված կարգերի, պլանների, ուղեցույցների, մեթոդական ձեռնարկների և այլ փաստաթղթերի նախագծերը.
- ուսումնասիրել և համադրել ՀՀ-ում տեխնիկական անվտանգության պահանջներին ներդրող փաստաթղթեր և համապատասխանությունը միջազգային պահանջներին.
- հավաքագրել և ուսումնասիրել ՀՀ կառավարություն ներկայացվող առաջարկությունները մշակելու նպատակով ստացված տեխնիկական անվտանգության ապահովման հետ կապված կարծիքները:

3 Պաշտոնին ներկայացվող պահանջներ

3.1 Կրթություն, որակավորման աստիճանը

ԲԱՐՁՐԱԳՈՒՅՆ ԿՐԹՈՒԹՅՈՒՆ

3.2 Մասնագիտական գիտելիքները

Ունի գործառնությունների իրականացման համար անհրաժեշտ գիտելիքներ:

3.3 Աշխատանքային ստաժ, աշխատանքի բնագավառում փորձը

Հանրային ծառայության առնվազն մեկ տարվա ստաժ կամ մեկ տարվա մասնագիտական աշխատանքային ստաժ կամ արտակարգ իրավիճակներում բնակչության պաշտպանության բնագավառում՝ մեկ տարվա աշխատանքային ստաժ:

3.4 Անհրաժեշտ կոմպետենցիաներ

- ԸՆԴՀԱՆՐԱՊԵՏՈՒԹՅԱՆ
o Խնդրի լուծում
o Հաշվետվությունների մշակում
o Բարեկարքություն
o Տեղեկատվության հավաքագրում, վերլուծություն
- ԸՆՏՐԱՆՔԱՅԻՆ
o Փոփոխությունների կառավարում
o Ժամանակի կառավարում
o Փաստաթղթերի նախապատրաստում

4 Կազմակերպական շրջանակ

4.1 Աշխատանքի կազմակերպման և ղեկավարման պատասխանատվությունը

Պատասխանատու է կառուցվածքային ստորաբաժանման աշխատանքների բնույթով պայմանավորված մասնագիտական գործունեության վերջնարդյունքին նպաստող միջանկյալ արդյունքի ստեղծման համար:

4.2 Որոշումներ կայացնելու լիազորությունները

Կայացնում է որոշումներ կառուցվածքային ստորաբաժանման աշխատանքների բնույթով պայմանավորված՝ մասնագիտական գործունեության վերջնարդյունքին նպաստող միջանկյալ արդյունքի ստեղծման շրջանակներում:

4.3 Գործունեության ազդեցությունը

Ունի ազդեցություն մասնագիտական աշխատանքների ապահովման և որոշակի մասնագիտական գործառնությունների իրականացման շրջանակներում:

4.4 Ծփումները և ներկայացուցչությունը

Իր իրավասության շրջանակներում շփվում և որպես ներկայացուցիչ հանդես է գալիս համապատասխան մարմնի այլ կառուցվածքային ստորաբաժանումների ներկայացուցիչների, այլ մարմինների և միջազգային կազմակերպությունների ներկայացուցիչների հետ, հանդես է գալիս համապատասխան մարմնի ներսում և համապատասխան մարմնից դուրս ձևավորված մասնագիտական աշխատանքային խմբերում:

4.5 Խնդիրների բարդությունը և դրանց լուծումը

Իր լիազորությունների շրջանակներում բացահայտում է մասնագիտական խնդիրներ և ներկայացնում խնդիրների լուծման տարբերակներ և մասնակցում է կառուցվածքային ստորաբաժանման առջև դրված խնդիրների լուծմանը: